

2019-imi akileraarutitigut naligiissaanissaq aamma kommuninut ataatsimut akileraarutitip agguataarneqarnissaa pillugit Namminersorlutik Oqartussat nalunaarutaat nr. 4, 19. september 2018-imeersoq

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, kingullermik Inatsisartut inatsisaatigut nr. 11, 1. juni 2017-imeersukkut allanngortinneqartumi § 41 aamma § 42, imm. 2 naapertorlugit aalajangersarneqarput:

§ 1. Kommunini inummut ataatsimut agguaqatigiissitanik akileraarutitigut isertitat assigiingissutaasa naligiissarneqarnissaannut aammalu kommuninut ataatsimut akileraarutitip agguataarneqarnissaanut kommunit ataani taaneqartut 2019-imi tapiissuteqarfigineqassapput:

1) Kommune Kujalleq.....	kr.119.601.000
2) Kommuneqarfik Sermersooq.....	kr. 73.499.000
3) Qeqqata Kommunia.....	kr.120.682.000
4) Avannaata Kommunia.....	kr.174.730.000
5) Kommune Qeqertalik.....	kr.133.951.000

Imm. 2. Tapiissutit landskarsimiit akilerneqartassapput qaammatini tamani 1/12-imik qaammatinut ataasiakkaanut tapiissutinut agguagassanut tapertaliullugit.

§ 2. 2018-imi kommuninut ataatsimut akileraarummit agguataagassaapput kr. 540.000.000 kiisalu iluarsiiisutit, takuuk imm. 3, ukiuni 1987-imiit 2014 ilanngullugu kr. -4.696.000, 2015-imit kr. -4.119.000, 2016-imit kr. 53.645.000, 2017-imiillu kr. 37.633.000, katillugit kr. 622.463.000.

Imm. 2. Kommuninut ataatsimut akileraarut nuna tamakkerlugu akileraarutitip akilersorneqartarneratut landskarsimut akilersorneqartassaaq.

Imm. 3. Kommuninut ataatsimut akileraarummit isertitat imm. 1-imi kisitsimmit aalajangerneqarsimasumit allaaneruppata nikingassut ukiumi tulliuttumi kommuninut ataatsimut akileraarutitip agguataarneqarnerani iluarsiiisutigineqassaaq.

§ 3. Nalunaarut 1. januar 2019-imi atuutilissaaq.

Namminersorlutik Oqartussat, ulloq 19. september 2018


Vittus Qujaukitsog

/


Nikolai S. Christensen